



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bona Volvntas Optimæ Consentiens. Seu De Sequendo In
Omnibus Ductu Providentiæ Diviniæ**

Fouillon, Jean E.

Leodii, 1657

II. Calamitatum genera duo.

[urn:nbn:de:hbz:466:1-54992](#)

bonus. Vident Beatorum multi è cœlo animas amicorum suorum apud inferos, Christus Judam, Jonathas Saülem, David Absalonem, tranquilli tamen ac læti vident: nobis idem accidet, cùm in cœlo erimus. Unde ea ex tam tristi spectaculo tranquillitas? Sciunt à Deo esse, & malum esse damnatis, non tamen malum in se, quia bonus est Dominus, & omnia, quæ vult bonus, bona sint necesse est. Animæ in Purgatoriis ignibus summâ propensione feruntur ad videndum Deum, nollent tamen obscuros illos carceres exire, nisi per se, aliósve, justitiæ divinæ ad libellam satisfecerint: quia sciunt Deum aliter nolle, & bonum esse sciunt, quidquid Deus vult.

II.
Calamita-
rum gene-
ra due.

Idem nobis, ex ejusdem veritatis cognitione, faciendum est in hujus vitæ calamitatibus. Earum duo sunt genera: aliæ enim ab ipso Deo immediate, ut vulgo loquimur, accidunt; aliæ, mediate. Immediate à Deo profici dicuntur, quæ per caussas naturales & necessarias fiunt, ut ab aëre, à ventis,

ab

ab anni tempestatibus, à bestiis : cuiusmodi ferè sunt pestis, sterilitas, paupertas, ægritudinum pars magna, inundationes, fortuita à fulminibus incendia, corporum animorumque intemperies improvisa. Inter mala à Deo immediate obvenientia etiam illa connumero, quæ per dæmonem ejusve artes infliguntur. Cùm enim dæmonem non videamus, quod nobis per illum accidit, facile velut à Deo ipso accidat accipimus. Præterea scimus, dæmonis arbitrio non omnimodam ad nocendum libertatem à Deo permitti, sed malam ejus voluntatem restringi, colligatumque attineri canis istar, qui non incurrit, nisi quatenus ab hero solvitur. Vélex Matthæi capite 8. id patet, ubi dæmonum legio per Christum in porcos ingredi finitur : tum ut porcinorum ingeniiorum homines intelligamus esse diabolo gratissimam sedem : tum ut Christi potentia ex damno ingratorum Gerasenorum, & ex dæmonum supplicibus postulatis, agnosceretur : tum maximè, ut disceretur, nihil dæmoni licere in vilia animalia,

80 BONA VOLUNTAS

malia, multò minùs in homines, nisi Dei permisſu. Alterum calamitatum genus est ab hominum mala voluntate, seu nostrâ, seu alienâ: ejusmodi sunt, bella ex consiliis Achitophelis, calumniæ à senibus Susannæ insidiantibus, lites à mendaci metrictula filium contubernalis suffurata, incendia segetum ab Absalonis emissariis, cædes fratrum ab Abimelecho, aliisque ejusmodi quotidiana.

III.
*Conformatio
voluntatis in
priore malo-
rum genere.*

In priore malorum genere difficile non est, suam cum divina conformare voluntatem. Cùm enim ibi nîl videamus, nisi Dei providētiam, non dubitamus quin à bono bonum profluxerit, etsi ratio nobis sit ignota: occurritq; tunc nobis idem, quod Augustino: *Quidquid accidit contra voluntatem nostram, neveris non accidere nisi de voluntate Dei, de Providentia ipsius, de ordine ipsius, de nutu ipsius, de legibus ipsius: & si nos non intelligimus quid, quare fiat, denius hoc ipsius Providentiae, quia non fit sine causa. Explicat hoc Dorotheus familiari similitudine. Nactus fuisti amicum verum,*
since-